

Die Weihnâchdsgschichda

- 1 Sallamoal woasch in dana Dââch, wie da Kaiser Augustus ogschâffd hoad, dass sich ölle Laüd uff da Wald nei Staüalisda eisöllaloasdrâch.
- 2 S wâr s äaschde Moal dass ma dâs uffgshriewa hoad. Da Quirinus wâr sallamoal Schulz von Syira.
- 3 Âlsou senn ölle hämm, dassma se do eikoagadrâch.
- 4 A da Sepp wu in Nazaret in Galiläa gewohnt hoad, hoad sich uff da Waach noach Judäa gamâchd. Noach Betlehem hoadar gamöasd, ar hoad nämle vons Dâvids raugschdâmm.
- 5 Ar hoad sich eiwöllaloasdrâch mit da Mârie, seiara Braut, die is mim Kiind gânga.
- 6 Grâd wie se okumma senn hoad dâs Bobbala uff die Wald gawölld.
- 7 Sie hoad n Bua griachd, ihr äaschds Kiind. Sie hoadn nei Winnl gawickld un nei n Foaddatroug galeichd. Sie höüwa im Stââl möassa schloaff, wall ke Stuuwa im Weadshaus mehr frei wâr.
- 8 In da Gäichnd wâra Schaffar uffm Faald. Die höüwa s nâchds uff ihr Vichar uffgabâssd.
- 9 Do is n Engl kumma. Uff emoal woasch dâchhall. Dâs wâr dana Buawa uuhämmle, sie höawa sich rachd sehr ârch gfârchd.
- 10 Da Engl hoad gsâchd: Ihr brauchd Aüch doch nid za färcha. Etz bâssd doch erscht amoal uff, wâs iich aüch will sâch. Dâs geid a mords Frääd wu ölle Laüd öbbas davoo höüwa.
- 11 Haüd is föa Aüch in Betlehem da Christus gaboara woadda.
- 12 Un wenndasch nid gläbbd, donn gäad onne. Ihr wäad scho sawa, dâs Bobbala is in Winnl gawickld un leid innam Droug.
- 13 Uff emoal wâra bei damm Engl no n Haufa ânnare Engl, die höüwa sou sehr gschwärmd vom Herrgott un höüwa gsâchd:
- 14 Ma söll da Herrgott do douwa ehr un die Laüd, wu ar möüch, sölla in Frieda laab.
- 15 Wie di Engl widda foad wâra, höüwa sich die Buawa baroadschlâchd un höüwa baschlossa: Sie gäann uff Bethelem, dâs wöllase sah, ob dâs stimmt, was die Engl gsâchd höüwa.
- 16 Sie höüwa füro gamâchd und werkle da Sepp, die Mârie un dâs Kiind im Droug gfunna.
- 17 Wie ses gsah höüwa, höüwa se fazäild, wâs se üwar dann gleena Bua von da Engl dafohra höüwa.
- 18 Do drü höüwa ölle Laüd gschdaund wu dâs khört höüwa.
- 19 Die Mârie hoad sich dâs ârch za Hazza ganumma.
- 20 Die Schaffar sänn widda zu ihrana Schääff un höüwa öllana Laüd fazäild, wâs do bassiert is. Sie höüwa da Herrgott in da höachsda Tön galoubd.

Original: Lukas 2, 1-20

Übersetzung: Nadine Strauß

Nadine Strauß * www.nadinestrauss.de * buch@nadinestrauss.de

